

შპს „პროაგრო“

მცირე და საშუალო საწარმოების ფინანსური ანგარიშგების
საერთაშორისო სტანდარტების
შესაბამისად მომზადებული კონსოლიდირებული ფინანსური
ანგარიშგება

2022 წლის 31 დეკემბრით დასრულებული წლისათვის

შინაარსი

ფინანსური ანგარიშგება

ფინანსური მდგომარეობის კონსოლიდირებული ანგარიშგება.....	4
მოგება-ზარალის და სხვა სრული შემოსავლის კონსოლიდირებული ანგარიშგება	5
საკუთარი კაპიტალის ცვლილებების კონსოლიდირებული ანგარიშგება	6
ფულადი ნაკადების კონსოლიდირებული ანგარიშგება	7

ფინანსური ანგარიშგების განმარტებითი შენიშვნები

1	კომპანიის საქმიანობა.....	9
2	მომზადების საფუძველი და სააღრიცხვო პოლიტიკის ძირითადი პრინციპები	8
3	გარიგებები და ნაშთები დაკავშირებულ მხარეებთან	16
4	მარაგები	17
5	ფულადი სახსრები და მათი ექვივალენტები	17
6	კაპიტალი	17
7	გრძელვადიანი სასესხო ვალდებულება	17
8	შემოსავლები	17
9	პერსონალთან დაკავშირებული დანახარჯები	18
10	ადმინისტრაციული და სხვა საოპერაციო ხარჯი	18

ფინანსური მდგომარეობის კონსოლიდირებული ანგარიშგება

2022 წლის 31 დეკემბრის მდგომარეობით

(რიცხვები ათას ლარშია მოცემული)

	შენიშვნა	31 დეკემბერი, 2022 წ.	31 დეკემბერი, 2021 წ.
აქტივები			
გრძელვადიანი აქტივები			
ძირითადი საშუალებები	2	1,121	704
არამატერიალური აქტივები		6	7
ინვესტიციები შვილობილ კომპანიებში		-	-
მოთხოვნები გაცემული სესხიდან		-	-
სულ გრძელვადიანი აქტივები		1,127	711
მოკლევადიანი აქტივები			
წინასწარ გადახდილი გადასახადები		17	77
გადახდილი ავანსები		605	57
დებიტორული დავალიანება		1,303	1855
მარაგები	4	1,612	1679
ფულადი სახსრები და მათი ეკვივალენტები	5	2,708	3039
სხვა მოთხოვნები		106	296
სულ მოკლევადიანი აქტივები		6,351	7,003
სულ აქტივები		7,478	7,714
კაპიტალი			
საწესდებო კაპიტალი	6	(8)	(8)
გაუნაწილებელი მოგება	6	(5,911)	(5,701)
სულ კაპიტალი		(5,919)	(5,709)
ვალდებულებები			
გრძელვადიანი ვალდებულებები			
სასესხო ვალდებულება		-	-
სულ გრძელვადიანი ვალდებულებები		-	-
მოკლევადიანი ვალდებულებები			
კრედიტორული დავალიანება		(447)	(27)
საგადასახადო ვალდებულებები		(1)	(1)
მიღებული ავანსები		(1,058)	(1,716)
მოკლევადიანი სასესხო ვალდებულებები	7	(53)	(260)
სულ მოკლევადიანი ვალდებულებები		(1,559)	(2,005)
სულ ვალდებულებები		(1,559)	(2,005)
სულ ვალდებულებები და კაპიტალი		(7,478)	(7,714)

გამოსაცემად დამტკიცებული და ხელმოწერილია შპს „პროაგროს“ სახელით 2023 წლის 29 სექტემბერს:

დავით მალაზონია
გენერალური დირექტორი

8-18 გვერდებზე დართული წინამდებარე ფინანსური ანგარიშგების განყოფილი ნაწილია

მოგება-ზარალის და სხვა სრული შემოსავლის კონსოლიდირებული ანგარიშგება

2022 წლის 31 დეკემბრით დასრულებული წლისათვის

(რიცხვები ათას ლარშია მოცემული)

	შენიშვნა	2022	2021
შემოსავლები	8	3,145	2,820
რეალიზებული პროდუქტის თვითღირებულება		(2,114)	(1,803)
ზოგადი და ადმინისტრაციული ხარჯები	9	(192)	(145)
პერსონალთან დაკავშირებული დანახარჯები	10	(217)	(284)
ცვეთა და ამორტიზაცია		(53)	(39)
სარეკლამო და მარკეტინგული ხარჯი		(16)	(41)
საოპერაციო მოგება		553	508
ფინანსური საქმიანობიდან მიღებული შემოსავალი		43	41
ფინანსურ საქმიანობაზე გაწეული დანახარჯები		–	(12)
საკურსო სხვაობით მიღებული ზარალი/მოგება		(384)	(251)
სხვა არასაოპერაციო ხარჯი		7	(5)
მოგება მოგების გადასახადით დაბეგვრამდე		219	281
მოგების გადასახადის ხარჯი		–	–
პერიოდის მოგება		219	281
სხვა სრული შემოსავალი		–	–
პერიოდის სრული მოგება		219	281

საკუთარი კაპიტალის ცვლილებების კონსოლიდირებული ანგარიშგება

2022 წლის 31 დეკემბრით დასრულებული წლისათვის

(რიცხვები ათას ლარშია მოცემული)

	საწესდებო კაპიტალი	გაუნაწილებელი მოგება	სულ კაპიტალი
ნაშთი 2021 წლის 31 დეკემბრის			
მდგომარეობით	(8)	(5,701)	(5,709)
წლის სრული მოგება, სულ	–	(219)	(219)
დარიცხული დივიდენდები		9	9
ნაშთი 2022 წლის			
31 დეკემბრის მდგომარეობით	(8)	(5,911)	(5,919)

(რიცხვები წარმოდგენილია ათას ლარში, თუ სხვაგვარად არ არის მითითებული)

	შენიშვნა	2022	2021
ფულადი ნაკადები საოპერაციო საქმიანობიდან			
მიღებული ფულადი სახსრები მომხმარებლებისგან		3,048	4,641
მომწოდებლებზე გადახდილი ფულადი სახსრები		(2,970)	(4,336)
თანამშრომელთა ანაზღაურება საშემოსავლოს ჩათვლით		(177)	(284)
გადახდილი გადასახადები მოგების გადასახადის გარდა		(259)	(626)
გაცემულ დივიდენდზე გადახდილი მოგების გადასახადი			
საოპერაციო საქმიანობაში გამოყენებული წმინდა ფულადი სახსრები		(358)	(605)
ფულადი ნაკადები საინვესტიციო საქმიანობიდან			
ძირითადი საშუალებების შეძენა		–	–
საინვესტიციო საქმიანობაში გამოყენებული წმინდა ფულადი სახსრები		–	–
ფულადი ნაკადები ფინანსური საქმიანობიდან			
მფლობელზე გაცემული დივიდენდი		(9)	–
მიღებული/(გაცემული) სესხი		428	146
ფინანსური საქმიანობიდან მიღებული წმინდა ფულადი სახსრები		419	146
სავალუტო კურსის ცვლილების გავლენა ფულად სახსრებსა და მათ			
ეკვივალენტებზე		(392)	(152)
ფულადი სახსრების და მათი ეკვივალენტების წმინდა ზრდა		(331)	(612)
ფულადი სახსრები და მათი ეკვივალენტები პერიოდის დასაწყისში	6	3,039	3,651
ფულადი სახსრები და მათი ეკვივალენტები პერიოდის ბოლოს	6	2,708	3,039

(რიცხვები წარმოდგენილია ათას ლარში, თუ სხვაგვარად არ არის მითითებული)

1 კომპანიის საქმიანობა

საქმიანობა

შპს პროაგრო 2008 წლიდან მოღვაწეობს საქართველოს აგრობიზნესში და არის უმსხვილესი საირიგაციო, ავტომატიზაციისა და მცენარეთა ფერტიგაციის სისტემების მომწოდებელი. 2018 წლიდან კომპანია წარმატებით მოღვაწეობს აზერბაიჯანში, მისი შვილობილის - „პროაგრო აზერბაიჯან“-ის სახელით.

მფლობელი

შპს პროაგროს 100% იანი წილის მფლობელია ფიზიკური პირი დავით მაღაზონია

იურიდიული მისამართი და საქმიანობის ადგილი

კომპანიის იურიდიული მისამართია: ოთარ ლორთქიფანიძის ქუჩა #2დ, 0160 თბილისი, საქართველო. კომპანიის ძირითადი საქმიანობის ადგილი არის საქართველოს სხვადასხვა რეგიონი.

წარსადგენი ვალუტა

წინამდებარე ფინანსური ანგარიშგება წარმოდგენილია ქართულ ლარში (შემდგომში „ლარი“), თუკი სხვაგვარად არ არის მითითებული.

შვილობილი კომპანიები

შპს პროაგრო 100% ით ფლობს შვილობილ კომპანიას - „შპს პროაგრო აზერბაიჯან“-ს, რომელიც დაფუძნებულია აზერბაიჯანში.

შპს პროაგრო 100% ით ფლობს შვილობილ კომპანიას - „შპს პროაგრო(405243810)“-ს.

2 მომზადების საფუძველი და სააღრიცხვო პოლიტიკის ძირითადი პრინციპები

მომზადების საფუძველი

კომპანიის წინამდებარე კონსოლიდირებული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების საბჭოს („ბასს“) მიერ გამოცემული მცირე და საშუალო საწარმოების ფინანსური ანგარიშგების საერთაშორისო სტანდარტების („მცირე და საშუალო საწარმოების ფასს“) შესაბამისად.

ბუღალტრული აღრიცხვის პოლიტიკა, რომელიც გამოყენებულ იქნა წინამდებარე ფინანსური ანგარიშგების მომზადებისას, აღწერილია ქვემოთ. ეს პოლიტიკა ერთნაირად ვრცელდება ყველა წარმოდგენილ პერიოდზე, თუ საგანგებოდ სხვა რამე არაა მითითებული. ფინანსური ანგარიშგების მომზადების საფუძველად გამოყენებულ იქნა პირვანდელი ღირებულების მეთოდი. წინამდებარე კონსოლიდირებული ფინანსური ანგარიშგება წარმოდგენილია ათას ქართულ ლარში („ლარი“), თუ სხვა ვალუტა არ არის მითითებული.

კონსოლიდაციის საფუძველი

კონსოლიდირებული ფინანსური ანგარიშგება აერთიანებს კომპანიისა და მის მიერ სრულად ფლობილი შვილობილი საწარმოს ფინანსურ ანგარიშგებებს. ფინანსურ ანგარიშგებაში ელიმინირებულია ყველა შიდაჯგუფური ოპერაცია, ნაშთი, შემოსავალი და ხარჯი.

*(რიცხვები წარმოდგენილია ათას ლარში, თუ სხვაგვარად არ არის მითითებული)***2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)****გადახდილი ავანსები**

გადახდილი ავანსები აღირიცხება გაუფასურების რეზერვით შემცირებული თვითღირებულებით. გადახდილი ავანსები მაშინ კლასიფიცირდება გრძელვადიანად, როდესაც გადახდილ ავანსებთან დაკავშირებული საქონლის ან მომსახურების მიღება ერთი წლის შემდეგაა მოსალოდნელი ან მაშინ, როდესაც გადახდილი ავანსები უკავშირდება აქტივს, რომელიც, პირველადი აღიარებისას, თვითონ იქნება კლასიფიცირებული გრძელვადიანად. აქტივების შესაძენად გადახდილი ავანსები გადაიტანება აქტივის საბალანსო ღირებულებაში, როგორც კი კომპანია მოიპოვებს აქტივზე კონტროლს და მოელის აქტივიდან სამომავლო ეკონომიკური სარგებლის მიღებას. სხვა გადახდილი ავანსები ჩამოიწერება მოგებაში ან ზარალში, როდესაც კომპანია მიიღებს გადახდილ ავანსთან დაკავშირებულ საქონელს ან მომსახურებას. თუ არსებობს მინიშნება, რომ კომპანიამ შესაძლოა ვერ მიიღოს გადახდილ ავანსთან დაკავშირებული აქტივი, საქონელი ან მომსახურება, გადახდილი ავანსის საბალანსო ღირებულება ჩამოიწერება და შესაბამისი გაუფასურების ზარალის აღიარება ხდება მიმდინარე წლის მოგებაში ან ზარალში.

ძირითადი საშუალებები

ძირითადი საშუალებები აღირიცხება თვითღირებულებით, რასაც აკლდება დაგროვილი ცვეთა და გაუფასურებით გამოწვეული ზარალი, ასეთის არსებობის შემთხვევაში. ასეთი თვითღირებულება წარმოადგენს შესყიდვის ფასს, რომელიც მოიცავს შესყიდვის გადასახადს, რომელიც დაბრუნებას არ ექვემდებარება, და აქტივის ექსპლუატაციისთვის ვარგის მდგომარეობამდე მოყვანასთან დაკავშირებულ პირდაპირ ხარჯებს. შეკეთებისა და ტექნიკური მომსახურების ხარჯის აღიარება ხდება მათი დადგომისთანავე სრული შემოსავლის ანგარიშგებაში.

ძირითადი საშუალებების აქტივის შემდგომი ხარჯების აღიარება ხდება ამ აქტივის საბალანსო ღირებულებით, ან ცალკე აქტივის სახით, საჭიროებისამებრ, თუ მოსალოდნელია, რომ კომპანია მიიღებს მომავალ ეკონომიკურ სარგებელს ამ აქტივიდან და შესაძლებელი იქნება მისი ღირებულების საიმედოდ შეფასება. ძირითადი საშუალებების ტექნიკური მომსახურების ყოველდღიური ხარჯის აღიარება ხდება მისი დადგომისთანავე სრული შემოსავლის ანგარიშგებაში. ძირითადი საშუალებების ძირითადი ნაწილების ან კომპონენტების შეცვლის ხარჯები კაპიტალიზდება და შეცვლილი ნაწილები ჩამოიწერება.

თითოეული საანგარიშგებო პერიოდის ბოლოს ხელმძღვანელობა აფასებს, არსებობს თუ არა ძირითადი საშუალებების გაუფასურების რაიმე ნიშანი. ასეთი ნიშნების არსებობის შემთხვევაში, ხელმძღვანელობა განსაზღვრავს ადდგენით ღირებულებას, რომელიც განისაზღვრება, როგორც აქტივის გაყიდვის დანახარჯებით შემცირებულ სამართლიან ღირებულებასა და მისი გამოყენების ღირებულებას შორის უდიდესი. საბალანსო ღირებულება მცირდება ადდგენით ღირებულებამდე და გაუფასურების ზარალი აისახება წლის მოგებაში ან ზარალში. გაუფასურების ზარალი, რომელიც აღიარებულია აქტივისათვის წინა წლებში, საჭიროების შემთხვევაში შებრუნდება, თუ ადგილი ჰქონდა ცვლილებას გაანგარიშებებში, რომლებიც გამოყენებული იქნა აქტივის გამოყენების ღირებულების ან გაყიდვის დანახარჯებით შემცირებული სამართლიანი ღირებულების განსაზღვრის მიზნით.

თავდაპირველად აღიარებული ამა თუ იმ ძირითადი საშუალებისა და მისი ნებისმიერი მნიშვნელოვანი ნაწილის აღიარება წყდება მისი გასხვისების დროს ან მაშინ, როდესაც მისი ექსპლუატაციიდან ან გასხვისებიდან სამომავლო ეკონომიკური სარგებლის მიღება აღარაა მოსალოდნელი. აქტივის აღიარების შეწყვეტის შედეგად მიღებული ნებისმიერი შემოსულობა ან ზარალი (რომელიც გამოითვლება, როგორც გასხვისებიდან მიღებულ წმინდა შემოსავალსა და აქტივის საბალანსო ღირებულებას შორის სხვაობა) აისახება სრული შემოსავლის ანგარიშგებაში, როდესაც წყდება აქტივის აღიარება.

(რიცხვები წარმოდგენილია ათას ლარში, თუ სხვაგვარად არ არის მითითებული)

2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)

ცვეთა

ძირითადი საშუალებების აქტივების ცვეთა გამოიწვევს დარიცხვის წრფივი მეთოდით, რათა მოხდეს მათი ხარჯის განაწილება ნარჩენ ღირებულებაზე მათი სავარაუდო სასარგებლო გამოყენების ვადის განმავლობაში:

სასარგებლო გამოყენების ვადა წლებში

საოფისე აღჭურვილობა, ავტომობილები, ავეჯი	5 წელი
ელექტრონული მოწყობილობები და სამუშაო ინსტრუმენტები	3-5 წელი

აქტივის ნარჩენი ღირებულება არის სავარაუდო თანხა, რომელსაც კომპანია ამჟამად მიიღებდა ამ აქტივის გაყიდვით, რასაც აკლდება გაყიდვის სავარაუდო ხარჯები, იმ შემთხვევაში, თუ აქტივები უკვე იმ სიძველისაა და იმ მდგომარეობაშია, როგორც ეს მოსალოდნელია მისი სასარგებლო გამოყენების ვადის ბოლოს. ანგარიშგების ყოველი პერიოდის ბოლოს აქტივების ნარჩენი ღირებულება და სასარგებლო მომსახურების ვადები გადაისინჯება და, საჭიროების შემთხვევაში, დაკორექტირდება.

საოპერაციო იჯარა

თუ კომპანია გამოდის მეიჯარედ ისეთ საიჯარო ურთიერთობაში, რომელშიც არ ხდება საკუთრებასთან დაკავშირებული არსებითად ყველა რისკისა და სარგებლის გადაცემა მეიჯარისგან კომპანიაზე, მთლიანი საიჯარო გადასახადი აისახება წლის მოგებაში ან ზარალში იჯარის ვადაზე დარიცხვის წრფივი მეთოდით. იჯარის ვადა ნიშნავს პერიოდს, რომელიც არ შეიძლება შეწყდეს და რომლის განმავლობაშიც მოიჯარეს გაფორმებული აქვს ხელშეკრულება აქტივის იჯარაზე, ნებისმიერი მომდევნო ვადებით, რომლებითაც მოიჯარეს შეუძლია აქტივის იჯარის გაგრძელება შემდგომი ანგარიშსწორებით ან მის გარეშე, თუ იჯარის დასაწყისშივე არის გონივრულობის ფარგლებში მოსალოდნელი, რომ მოიჯარე ამ ოფციონს გამოიყენებს.

ფინანსური ინსტრუმენტები

ფინანსური ინსტრუმენტი არის ნებისმიერი კონტრაქტი, რომელიც ერთი საწარმოსთვის წარმოშობს ფინანსურ აქტივს, ხოლო მეორესთვის - ფინანსურ ვალდებულებას ან წილობრივ ინსტრუმენტს.

(i) ფინანსური აქტივები

თავდაპირველი აღიარება და შემდგომი შეფასება

თავდაპირველი აღიარებისას ფინანსური აქტივები შემდეგ კატეგორიებს მიეკუთვნება: მოგებასა და ზარალში ასახული და სამართლიანი ღირებულებით შეფასებული ფინანსური აქტივები, სესხები და მისაღები ანგარიშები, დაფარვის ვადამდე ფლობილი ინვესტიციები, გასაყიდად არსებული ფინანსური აქტივები, ან წარმოებული ფინანსური ინსტრუმენტები საჭიროების შემთხვევაში ჰეჯირებისთვის. ფინანსური აქტივების აღიარება თავდაპირველად ხდება სამართლიანი ღირებულებით და, იმ აქტივების შემთხვევაში, რომლებიც არ არის შეფასებული სამართლიანი ღირებულებით და ასახული მოგებაში ან ზარალში, ამას ემატება გარიგებასთან დაკავშირებული ხარჯები.

კომპანიის ფინანსური აქტივები შედგება ფულადი სახსრებისა და მათი ეკვივალენტებისგან, სავაჭრო დებიტორული ანგარიშებისგან და სხვა აქტივებისგან. სესხები და დებიტორული დავალიანება არის არაწარმოებული ფინანსური აქტივები, ფიქსირებული ან განსაზღვრული გადახდებით, რომლებიც არ არის კოტირებული აქტიურ ბაზარზე. თავდაპირველი შეფასების შემდეგ ასეთი ფინანსური აქტივების

8-18 გვერდებზე დართული წინამდებარე ფინანსური ანგარიშგების განყოფილი ნაწილია

*(რიცხვები წარმოდგენილია ათას ლარში, თუ სხვაგვარად არ არის მითითებული)***2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)****ფინანსური ინსტრუმენტები (გაგრძელება)**

შემდგომი შეფასება ხორციელდება ამორტიზებული ღირებულების შესაბამისად, ეფექტური საპროცენტო განაკვეთის მეთოდის გამოყენებით (EIR), გაუფასურების გამოკლებით. ამორტიზებული ღირებულება გამოიანგარიშება შესყიდვის ყოველგვარი დისკონტის ან პრემიის, აგრეთვე იმ საზღაურის თუ დანახარჯების გათვალისწინებით, რომლებიც ეფექტური საპროცენტო განაკვეთის მეთოდის განუყოფელი ნაწილია. ეფექტური საპროცენტო განაკვეთის მეთოდით დარიცხული ცვეთა აისახება სრული შემოსავლის ანგარიშგებაში ფინანსური საქმიანობიდან მიღებული შემოსავლების ნაწილში. გაუფასურებით გამოწვეული ზარალი სრული შემოსავლის ანგარიშგებაში შესხების შემთხვევაში აისახება, როგორც ფინანსური ხარჯი, ხოლო მისაღები ანგარიშების შემთხვევაში - როგორც გაყიდული საქონლის თვითღირებულება ან სხვა საოპერაციო ხარჯები.

აღიარების შეწყვეტა

ფინანსური აქტივის (ან, სადაც მისაღებია, ფინანსური აქტივის ნაწილის ან მსგავსი ფინანსური აქტივების

ჯგუფის ნაწილის) აღიარების გაუქმება ძირითადად მაშინ ხდება, როდესაც:

- ▶ ამოიწურა აქტივიდან ფულადი სახსრების მიღების ვადა;
- ▶ კომპანიამ დათმო აქტივიდან ფულადი ნაკადების მიღების უფლება, ან დაიტოვა ამგვარი უფლება, მაგრამ აიღო მესამე პირებისათვის მიღებული თანხების სრულად და დაგვიანების გარეშე გადახდის სახელშეკრულებო ვალდებულება; ან (ა) კომპანიამ გადასცა აქტივთან დაკავშირებული ყველა რისკი და სარგებელი; (ბ) კომპანიამ არც გადასცა და არც დაიტოვა აქტივთან დაკავშირებული არსებითად ყველა რისკი და სარგებელი, მაგრამ გადასცა აქტივზე კონტროლი.

თუ კომპანიამ გადასცა აქტივიდან ფულადი ნაკადების მიღების უფლება ან გააფორმა ამაზე ხელშეკრულება, იგი აფასებს, შეინარჩუნა თუ არა ან რამდენად შეინარჩუნა ამ აქტივის საკუთრებასთან დაკავშირებული რისკები და სარგებელი. თუ კომპანიამ არც გადასცა და არც დაიტოვა აქტივის საკუთრებასთან დაკავშირებული არსებითად ყველა რისკი და სარგებელი, და ასევე არ გადასცა აქტივზე კონტროლი, კომპანია აგრძელებს გადაცემული აქტივის აღიარებას ამ აქტივში მისი მონაწილეობის შენარჩუნების გამო. ასეთ შემთხვევაში კომპანია მასთან დაკავშირებულ ვალდებულებასაც აღიარებს. გადაცემული აქტივი და მასთან დაკავშირებული ვალდებულება ფასდება კომპანიის მიერ დატოვებული უფლება-მოვალეობების საფუძველზე.

უწყვეტი გამოყენება, რომელსაც აქვს გადაცემულ აქტივზე ერთგვარი გარანტიის ფორმა, ფასდება აქტივის თავდაპირველ საბალანსო ღირებულებასა და იმ მაქსიმალური თანხას შორის, რომლის გადახდაც შესაძლოა კომპანიას დასჭირდეს, უმცირესით.

(ii) ფინანსური აქტივების გაუფასურება

კომპანია თითოეული საანგარიშგებო თარიღისთვის აფასებს ფინანსური აქტივის ან ფინანსური აქტივების ჯგუფის გაუფასურების რამე ობიექტური ნიშნის არსებობას. გაუფასურებასთან საქმე გვაქვს მაშინ, როდესაც აქტივის თავდაპირველი აღიარების შემდეგ მომხდარი ერთი ან მეტი მოვლენა („ზარალის დადგომის შემთხვევა“) გავლენას ახდენს ფინანსური აქტივიდან ან ფინანსური აქტივების ჯგუფიდან მისაღები ფულადი სახსრების მომავალში მოსალოდნელ ნაკადებზე, რომელთა სარწმუნოდ განსაზღვრაც შესაძლებელია. გაუფასურების არსებობის ობიექტური ნიშანი შეიძლება იყოს ის ფაქტი, რომ დებიტორი ან დებიტორთა ჯგუფი განიცდის მნიშვნელოვან ფინანსურ სირთულეებს, არღვევს სესხის პროცენტის ან ძირითადი თანხის გადახდის ვალდებულებას, არსებობს გაკოტრების ან სხვა სახის ფინანსური

*(რიცხვები წარმოდგენილია ათას ლარში, თუ სხვაგვარად არ არის მითითებული)***2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)****ფინანსური ინსტრუმენტები (გაგრძელება)**

რეორგანიზაციის მაღალი ალბათობა და ხელთ არსებული მონაცემები მიუთითებს ფულადი სახსრების მოსალოდნელი მომავალი ნაკადების შემცირებაზე, მაგალითად, როგორიცაა ცვლილებები

ვადაგადაცილებული გადახდების დონეში ან ეკონომიკურ პირობებში, რომლებსაც უკავშირდება ვალდებულებების შეუსრულებლობა.

თუ არსებობს ობიექტური მტკიცებულება იმისა, რომ გაუფასურების შედეგად წარმოიქმნა ზარალი, ზარალის ოდენობა განისაზღვრება, როგორც სხვაობა აქტივის საბალანსო ღირებულებასა და ფულადი სახსრების მომავალი შეფასებული ნაკადების მიმდინარე ღირებულებას შორის (გარდა მოსალოდნელი

საკრედიტო ზარალისა, რომელიც ჯერ არ არის გაწეული). მომავალში მოსალოდნელი ფულადი ნაკადების დღევანდელი ღირებულების დისკონტირება ხდება ფინანსური აქტივების თავდაპირველი ეფექტური საპროცენტო განაკვეთით.

აქტივების საბალანსო ღირებულება მცირდება გაუფასურების რეზერვის ანგარიშის მეშვეობით და დანაკარგის თანხის აღიარება ხდება სრული შემოსავლის ანგარიშგებაში. საპროცენტო შემოსავალი

(ასახული ფინანსური საქმიანობიდან მიღებული შემოსავლის სახით სრული შემოსავლის ანგარიშგებაში) კვლავც ერიცხება შემცირებულ საბალანსო ღირებულებას იმ განაკვეთით, რომელიც გამოიყენება სამომავლო ფულადი ნაკადების დისკონტირებისთვის გაუფასურების შედეგად განცდილი ზარალის შესაფასებლად. აქტივები შესაბამის რეზერვთან ერთად ჩამოიწერება მაშინ, როდესაც მომავალში მათი ამოღების რეალური პერსპექტივა არ არსებობს და ყველა უზრუნველყოფის საგანი რეალიზებულია ან გადაცემულია კომპანიისთვის.

თუ მომდევნო წლის განმავლობაში გაუფასურებით გამოწვეული ზარალი გაიზრდება ან შემცირდება გაუფასურების აღიარების შემდგომი მოვლენის გამო, მანამდე აღიარებული გაუფასურების ზარალი იზრდება ან მცირდება გაუფასურების რეზერვის ანგარიშის კორექტირებით. თუ ჩამოწერილი აქტივის ამოღება მოხდა მოგვიანებით, იგი ტარდება სრული შემოსავლის ანგარიშგებაში, საოპერაციო ხარჯების კრედიტში.

(iii) ფინანსური ვალდებულებები

თავდაპირველი აღიარება და შემდგომი შეფასება

თავდაპირველი შეფასებისას ფინანსური ვალდებულებები ნაწილდება შემდეგ კატეგორიებში: სამართლიანი ღირებულებით შეფასებული და მოგებასა და ზარალში ასახული ფინანსური ვალდებულებები, სესხები და გადასახდელი ანგარიშები, დებიტორული დავალიანება ან წარმოებული ვალდებულებები, რომლებიც განკუთვნილია ჰეჯირების ინსტრუმენტებად ეფექტური ჰეჯირების განხორციელების დროს.

ყველა ფინანსური ვალდებულების აღიარება თავდაპირველად ხდება სამართლიანი ღირებულებით და, სესხებისა და გადასახდელი ანგარიშებისა და დებიტორული დავალიანების შემთხვევაში, აკლდება მათთან უშუალოდ დაკავშირებული გარიგების დანახარჯები.

კომპანიის ფინანსური ვალდებულებები მოიცავს სავაჭრო კრედიტორულ დავალიანებას.

თავდაპირველი აღიარების შემდეგ, პროცენტიანი სესხებისა და გადასახდელი ანგარიშების შემდგომი

8-18 გვერდებზე დართული წინამდებარე ფინანსური ანგარიშგების განყოფილი ნაწილია

*(რიცხვები წარმოდგენილია ათას ლარში, თუ სხვაგვარად არ არის მითითებული)***2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)****ფინანსური ინსტრუმენტები (გაგრძელება)**

შეფასება ხდება ამორტიზებული ღირებულებით ეფექტური საპროცენტო განაკვეთის მეთოდის გამოყენებით. შემოსულობისა და ზარალის აღიარება ხდება სრული შემოსავლის ანგარიშგებაში ვალდებულების აღიარების შეწყვეტის დროს, აგრეთვე ეფექტური საპროცენტო განაკვეთის მეთოდის გამოყენებით დარიცხული ამორტიზაციის პროცესში.

ამორტიზებული ღირებულება გამოიანგარიშება შესყიდვის ყოველგვარი დისკონტის ან პრემიის, აგრეთვე იმ საზღაურის თუ დანახარჯების გათვალისწინებით, რომლებიც ეფექტური საპროცენტო განაკვეთის მეთოდის განუყოფელი ნაწილია. ეფექტური საპროცენტო განაკვეთის მეთოდით დარიცხული ცვეთა აისახება სრული შემოსავლის ანგარიშგებაში ფინანსურ საქმიანობაზე გაწეული ხარჯების ნაწილში.

აღიარების შეწყვეტა

ფინანსური ვალდებულებების აღიარება წყდება მაშინ, როდესაც ისინი იფარება, ბათილდება ან ამოიწურება. როდესაც ხდება არსებული ფინანსური ვალდებულების ჩანაცვლება სხვა ვალდებულებით იმავე კრედიტორის წინაშე არსებითად განსხვავებული პირობებით ან არსებული ვალდებულების პირობები არსებითად შეიცვლება, ასეთი ჩანაცვლება ან ცვლილება განიხილება, როგორც საწყისი ვალდებულების აღიარების შეწყვეტა და ახალი ვალდებულების აღიარება. შესაბამის საბალანსო ღირებულებებს შორის სხვაობა აისახება სრული შემოსავლის ანგარიშგებაში.

(iv) ფინანსური ინსტრუმენტების ურთიერთგაქვითვა

ფინანსური აქტივები და ვალდებულებები ერთმანეთთან გაიქვითება და წმინდა თანხა აისახება ფინანსური მდგომარეობის ანგარიშგებაში მხოლოდ იმ შემთხვევაში, თუ არსებობს აღიარებული თანხების ურთიერთგაქვითვის იურიდიული უფლება და სურვილი, რომ მოხდეს ან შემხვედრი მოთხოვნების ურთიერთგაქვითვა, ან ერთდროულად აქტივის რეალიზაცია და ვალდებულების დაფარვა. ურთიერთგაქვითვის ასეთი უფლების გამოყენება (ა) არ უნდა ხდებოდეს სამომავლო შემთხვევის დადგომის პირობით და (ბ) კანონით ნებადართული უნდა იყოს ყველა ქვემოთ ჩამოთვლილ გარემოებებში: (i) ჩვეულებრივი საქმიანობის პირობებში, (ii) დეფოლტის შემთხვევაში და (iii) არაკრედიტუნარიანობის ან გაკოტრების შემთხვევაში.

(v) სამართლიანი ღირებულებით შეფასება

კომპანია ფინანსურ ინსტრუმენტებს სამართლიანი ღირებულებით აფასებს თითოეული საბალანსო ანგარიშის შედგენის თარიღისთვის.

სამართლიანი ღირებულება არის თანხა, რომელიც მიიღება აქტივის გაყიდვის შედეგად, ან გადაიხდება ვალდებულების გადაცემის შედეგად ბაზრის მონაწილეებს შორის ჩვეულებრივი გარიგების პირობებში შეფასების თარიღისთვის. სამართლიანი ღირებულებით შეფასება იმ დაშვებას ეყრდნობა, რომ აქტივის გაყიდვის ან ვალდებულების გადაცემის გარიგება შედგება:

- ▶ აქტივის ან ვალდებულების მთავარ ბაზარზე, ან
- ▶ მთავარი ბაზრის არარსებობის შემთხვევაში აქტივის ან ვალდებულებისთვის ყველაზე ხელსაყრელ ბაზარზე.

მთავარი ან ყველაზე ხელსაყრელი ბაზარი კომპანიისთვის ხელმისაწვდომი უნდა იყოს.

აქტივის ან ვალდებულების სამართლიანი ღირებულების შეფასება ხორციელდება იმ დაშვების

8-18 გვერდებზე დართული წინამდებარე ფინანსური ანგარიშგების განუყოფელი ნაწილია

*(რიცხვები წარმოდგენილია ათას ლარში, თუ სხვაგვარად არ არის მითითებული)***2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)****სამართლიანი ღირებულებით შეფასება (გაგრძელება)**

საფუძველზე, რომ ბაზრის მონაწილეები აქტივის ან ვალდებულების შეფასებისას იმოქმედებენ საკუთარი ეკონომიკური ინტერესების მაქსიმალური გათვალისწინებით.

არაფინანსური აქტივის სამართლიანი ღირებულების შეფასება უნდა ითვალისწინებდეს ბაზრის მონაწილის შესაძლებლობას მიიღოს ეკონომიკური სარგებელი ამ აქტივის საუკეთესოდ და ეფექტიანად გამოყენებით, ან ბაზრის სხვა მონაწილისათვის მიყიდვით, რომელიც ამ აქტივს საუკეთესოდ და ეფექტიანად გამოიყენებს.

კომპანია ირჩევს შეფასების მეთოდებს, რომლებიც შესაფერისია არსებული გარემოებებისთვის და რომელთა გამოყენებითაც სამართლიანი ღირებულების შესაფასებლად საკმარისი მონაცემები მოიძებნება, რომლებიც მაქსიმალურად იყენებს საბაზრო მონაცემებს და მინიმალურად - არასაბაზრო მონაცემებს.

ყველა აქტივი და ვალდებულება, რომელთა სამართლიანი ღირებულება შეფასებულია ან წარმოდგენილია ფინანსურ ანგარიშგებაში, დაჯგუფებულია სამართლიანი ღირებულების ქვემოთ მოცემული იერარქიის მიხედვით, ყველაზე დაბალი დონის მონაცემის საფუძველზე, რომელიც მნიშვნელოვანია სამართლიანი ღირებულების შეფასებისთვის:

- ▶ დონე 1 – იდენტური აქტივების ან ვალდებულების კოტირებული (არაკოტირებული) საბაზრო ფასები აქტიურ ბაზრებზე.
- ▶ დონე 2 – ღირებულების შეფასების მეთოდები, რომელთა მიხედვითაც შესაძლებელია სამართლიანი ღირებულების შეფასებისთვის აუცილებელი ყველაზე დაბალი დონის ამოსავალი მონაცემის პირდაპირი ან არაპირდაპირი განსაზღვრა.
- ▶ დონე 3 – ღირებულებითი შეფასების მეთოდები, რომელთა მიხედვითაც შეუძლებელია სამართლიანი ღირებულების შეფასებისთვის აუცილებელი ყველაზე დაბალი დონის ამოსავალი მონაცემის განსაზღვრა.

უწყვეტი ოპერაციების გაუფასურებით გამოწვეული დანაკარგების აღიარება ხდება სრული შემოსავლის ანგარიშგებაში გაუფასურებელი აქტივის ფუნქციის შესაბამის ხარჯის კატეგორიებში.

სავაჭრო და სხვა კრედიტორული დავალიანება

სავაჭრო კრედიტორული დავალიანების დარიცხვა ხდება, როდესაც კონტრაგენტი ასრულებს ხელშეკრულებით ნაკისრ ვალდებულებებს; სავაჭრო კრედიტორული დავალიანების პირველადი აღიარება ხდება სამართლიანი ღირებულებით, ხოლო შემდგომ აღირიცხება ამორტიზებული ღირებულებით ეფექტური საპროცენტო განაკვეთის მეთოდის გამოყენებით.

თანამშრომელთა სარგებელი

ხელფასები, შვებულება და ბიულეტენი, პრემიები და არაფულადი სარგებელი ირიცხება იმ წელს, რომელშიც შესაბამისი მომსახურება გაიწია კომპანიის თანამშრომლების მიერ. 2019 წლის 31 დეკემბრის მდგომარეობით კომპანიას არ აქვს საპენსიო ან მსგავსი გადახდების განხორციელების სამართლებრივი ან არაკონტრაქტული ვალდებულება.

მოგების გადასახადი

საწარმოების მიერ მიღებული წლიური მოგება, გარდა ბანკებისა, სადაზღვევო კომპანიებისა და მიკროსაფინანსო ორგანიზაციებისა, 2017 წლის 1 იანვრიდან არ იბეგრება საქართველოში. მოგების

8-18 გვერდებზე დართული წინამდებარე ფინანსური ანგარიშგების განყოფილი ნაწილია

*(რიცხვები წარმოდგენილია ათას ლარში, თუ სხვაგვარად არ არის მითითებული)***2 მომზადების საფუძველი და სააღრიცხვო პოლიტიკის ძირითადი პრინციპები (გაგრძელება)****მოგების გადასახადი (გაგრძელება)**

გადასახადით დაიბეგრება დივიდენდების სახით განაწილებული მოგება იმ პარტნიორებზე/აქციონერებზე, რომლებიც არიან ფიზიკური პირები ან არარეზიდენტები საქართველოში. დივიდენდების განაწილებაზე გადასახდელი გადასახადის ოდენობა დაანგარიშდება განაწილებული წმინდა თანხიდან 15/85 განაკვეთის გამოყენებით. დივიდენდების გადახდით წარმოქმნილი მოგების გადასახადი აღირიცხება, როგორც ვალდებულება და ხარჯად ტარდება იმ პერიოდში, რომელშიც დივიდენდები გამოცხადდა, მიუხედავად იმისა, თუ ფაქტობრივად რომელი თარიღით ან რომელ პერიოდში მოხდა დივიდენდების გადახდა.

გარკვეულ შემთხვევებში დასაშვებია დარიცხული საგადასახადო დავალიანებიდან გამოქვითვები, რომლებიც აღირიცხება, როგორც შესაბამის განაწილებასთან დაკავშირებული მოგების გადასახადის ხარჯის შემცირება. საქართველოს საგადასახადო სისტემის თავისებურებიდან გამომდინარე, საქართველოში რეგისტრირებულ საწარმოებს არ წარმოეშობათ გადავადებული საგადასახადო აქტივები და ვალდებულებები. კომპანიის მფლობელებისთვის დივიდენდის განაწილებასთან დაკავშირებით დაკავებული გადასახადი საკუთარი კაპიტალის ცვლილებების ანგარიშგებაში აღიარებულია კაპიტალიდან გამოქვითვის სახით.

საქართველოს საგადასახადო კანონმდებლობა ასევე ითვალისწინებს მოგების გადასახადით გარკვეული გარიგებების დაბეგვრას, რომლებიც ითვლება პირობითი მოგების განაწილებად (მაგალითად, არასაბაზრო ფასებით აღრიცხული გარიგებები, ბიზნესსაქმიანობასთან დაუკავშირებელი ხარჯები, ან საქონლისა და მომსახურების უსასყიდლო მიწოდება). ამგვარი გარიგებების დაბეგვრა აღირიცხება საოპერაციო გადასახადების ანალოგიურად და აღირიცხება, როგორც სხვა გადასახადები შემოსავლის ანგარიშგების სხვა საოპერაციო ხარჯებში.

დამატებული ღირებულების გადასახადი

შემოსავლების, ხარჯებისა და აქტივების აღიარება ხდება დამატებული ღირებულების გადასახადის თანხის გამოკლებით, გარდა იმ შემთხვევებისა:

- ▶ როდესაც აქტივების ან მომსახურების შესყიდვაზე დარიცხული დამატებული ღირებულების გადასახადი არ ექვემდებარება საგადასახადო ორგანოსგან დაბრუნებას, დამატებული ღირებულების გადასახადის აღიარება მოხდება აქტივის შესყიდვაზე გაწეულ დანახარჯებში ან ხარჯის მუხლში, კონკრეტული შემთხვევიდან გამომდინარე;
- ▶ როდესაც დებიტორული და კრედიტორული დავალიანება მოიცავს დამატებით ღირებულების გადასახადს.

საგადასახადო ორგანოებისთვის გადასახდელი ან მათგან დასაბრუნებელი დამატებითი ღირებულების გადასახადის წმინდა ოდენობა ასახულია ფინანსური მდგომარეობის ანგარიშის დებიტორული ან კრედიტორული დავალიანების ნაწილში. 2016 წლის 1 იანვრიდან, საქართველოს საგადასახადო კოდექსში შეტანილი ცვლილებების შედეგად, სხვადასხვა საგადასახადო ანგარიშები ერთმანეთთან გაიქვითება, ერთიანდება ერთ ოდენობად და აისახება ფინანსური მდგომარეობის ანგარიშგებაში.

(რიცხვები წარმოდგენილია ათას ლარში, თუ სხვაგვარად არ არის მითითებული)

განუსაზღვრელი საგადასახადო სტატუსი

კომპანიის განუსაზღვრელ საგადასახადო სტატუსს ხელმძღვანელობა ხელახლა აფასებს ყოველი საანგარიშგებო პერიოდის დასასრულს. ვალდებულებები აღირიცხება იმ საგადასახადო სტატუსებისთვის, რომლებიც განსაზღვრულია ხელმძღვანელობის მიერ როგორც სტატუტები, რომლებიც დიდი ალბათობით არ გამოიწვევს დამატებითი გადასახადების დაკისრებას იმ შემთხვევაში, თუ საგადასახადო ორგანოები კითხვის ნიშნის ქვეშ დააყენებენ კონკრეტული საგადასახადო სტატუსის მართებულობას. ასეთი შეფასება ეყრდნობა საანგარიშგებო პერიოდის ბოლოს ფაქტობრივად ძალაში შესული საგადასახადო კანონმდებლობის განმარტებას და ნებისმიერ სასამართლოს გადაწყვეტილებას ან სხვა განჩინებას მსგავს საკითხებზე. ვალდებულებები ჯარიმების, პროცენტის და გადასახადების სახით, რომლებიც არ არის დაკავშირებული მიღებულ შემოსავალთან, აისახება იმ ოდენობით, რა ოდენობითაც ხელმძღვანელობა აფასებს საანგარიშგებო პერიოდის ბოლოს ამ ვალდებულებების დაფარვისთვის საჭირო დანახარჯებს.

3 გარიგებები და ნაშთები დაკავშირებულ მხარეებთან

მხარეები, ზოგადად, ითვლება დაკავშირებულად, თუ ისინი ექვემდებარებიან საერთო კონტროლს, ან ერთ მხარეს აქვს უნარი, გააკონტროლოს მეორე მხარე ან მნიშვნელოვანი გავლენა ან ერთობლივი კონტროლი მოახდინოს მეორე მხარის ფინანსურ და საოპერაციო გადაწყვეტილებებზე. თითოეული შესაძლო ურთიერთკავშირის განხილვისას, ყურადღება ექცევა ურთიერთობის შინაარსს და არა მხოლოდ სამართლებრივ ფორმას.

2022 წლის 31 დეკემბრის მდგომარეობით, დაკავშირებულ მხარეთა მიმართ დაუფარავი ნაშთები ასე გამოიყურებოდა:

	მოკავშირე საწარმო	უმაღლესი რანგის ხელმძღვანელობა
სესხის ძირი და პროცენტი	(5)	—
საოპერაციო საქმიანობიდან წარმოშობილი ვალდებულებები	—	(3)

2022 წლის 31 დეკემბრით დასრულებული წლისთვის დაკავშირებულ მხარეებთან შემდეგი გარიგებები დაფიქსირდა:

	აქციონერების მიერ კონტროლირებული საწარმოები	მოკავშირე საწარმოები	უმაღლესი რანგის ხელმძღვანელობა
პერსონალთან დაკავშირებული დანახარჯები	—	—	14
დარიცხული დივიდენდი	—	—	9
მომსახურებების და საქონლის შესყიდვა	—	—	45

- (ა) შპს პროაგრო ეკონომიკური საქმიანობის უზრუნველსაყოფად პარტნიორისგან ქირაობს ოფისს და სასაწყობო ფართს, კრედიტორული დავალიანება აღნიშნული მომსახურებიდან წარმოადგენს 2,885 ლარს 2022 წლის 31 დეკემბრის მდგომარეობით.

(რიცხვები წარმოდგენილია ათას ლარში, თუ სხვაგვარად არ არის მითითებული)

4 მარაგები

კომპანიის მარაგები 2022 და 2021 წლების ბოლოს წარმოადგენს პროექტებისათვის საჭირო მზა პროდუქციას: მილები, მეტალისა და პოლიეთილენის ფითინგები, ტუმბოები, ფილტრები და სხვა.

5 ფულადი სახსრები და მათი ეკვივალენტები

	31 დეკემბერი, 2022 წ.	31 დეკემბერი, 2021 წ.
მოთხოვნილად გადასახდელი საბანკო ნაშთები	2,708	3,039
ფულადი სახსრები სალაროში	-	-
ფულადი სახსრები და მათი ეკვივალენტები, სულ	2,708	3,039

მოთხოვნილად გადასახდელი საბანკო ნაშთები წარმოადგენს ქართულ ბანკებში განთავსებულ უპროცენტო მიმდინარე ანგარიშებს.

6 კაპიტალი

საწესდებო კაპიტალი წარმოადგენს პარტნიორის მიერ კომპანიაში შეტანილ საწყის ნაშთს. საწესდებო კაპიტალი არ შეცვლილა კომპანიის დაარსების შემდეგ. 2022 წლის განმავლობაში გაიცა 9,132 ლარის დივიდენდი.

7 მოკლევადიანი სესხები

2013 წლიდან შპს პროაგროს აქვს ნასესხები ფულადი სახსრები პარტნიორისგან და თანამშრომლისგან, წლიური საპროცენტო განაკვეთით 12%. სასესხო კონტრაქტის ვადაა 2022 წლის 31 დეკემბერი.

2022 წლის განმავლობაში შპს პროაგრომ ისესხა ფულადი სახსრები, დაკავშირებული კომპანია შპს წყალპროექტისგან(226579592) ერთი წლის ვადით, წლიური საპროცენტო განაკვეთით 7%.

აღნიშნული სესხების ძირის ნარჩენი ღირებულება 2022 წლის 31 დეკემბრის მდგომარეობით შეადგენს:

	31 დეკემბერი, 2022 წ.	31 დეკემბერი, 2021 წ.
სესხის ძირი (პარტნიორი)	-	(7)
დარიცხული სესხის პროცენტი (პარტნიორი)	-	(27)
სესხის ძირი (თანამშრომელი)	(19)	(20)
დარიცხული სესხის პროცენტი (თანამშრომელი)	(22)	(20)
მოკლევადიანი სესხის ძირი (წყალპროექტი)	-	(175)
მოკლევადიანი დარიცხული სესხის პროცენტი (წყალპროექტი)	(5)	(5)
სასესხო ვალდებულება სულ	46	254

(რიცხვები წარმოდგენილია ათას ლარში, თუ სხვაგვარად არ არის მითითებული)

8 შემოსავლები

	2022	2021
შემოსავალი პროდუქტის რეალიზაციიდან	2,878	2,295
შემოსავალი გაწეული მომსახურებიდან	267	525
სულ შემოსავლები	3,145	2,820

9 პერსონალთან დაკავშირებული დანახარჯები

	2022	2021
თანამშრომლების შრომის ანაზღაურების ხარჯები	217	284
საპენსიო ხარჯები	7	18
სულ პერსონალთან დაკავშირებული დანახარჯები	224	292

10 ზოგადი და ადმინისტრაციული ხარჯები

	2022	2021
სავაჭრო მოთხოვნების გაუფასურების ხარჯი	-	-
პროფესიული მომსახურების ხარჯები	18	16
საიჯარო ხარჯი	53	58
საწვავის ხარჯი	20	22
რემონტის ხარჯი	8	14
სამივლინებო ხარჯი	50	12
საბანკო ხარჯი	5	6
კომუნიკაციის ხარჯები	2	2
სხვა ხარჯები	36	15
სულ ზოგადი და ადმინისტრაციული ხარჯები	192	145